

四
部
備
要

中華書局輯刊

四部備要

第九八冊

中華書局
影印
中國書店

本書據中華書局1936年版影印

四部備要

(第九八冊)

中華書局編

•

中華書局出版

(北京王府井大街36號)

中華書局影印發行
中國書店

國防科工委印刷廠印刷

•

787×1092毫米 1/16 59.5 印張

1989年3月第1版 1989年3月北京第一次印刷

印數 0001—500 冊

(61)

宋六十名家詞

《四部備要》

集部

上海中華書局據汲古閣

本校刊

桐鄉

陸費逵總勘

杭縣

高時顯輯校

杭縣

吳汝霖監造

杭縣

丁輔之監造

版權所有不許翻印

宋名家詞總目

珠玉詞	六一詞	樂章集	東坡詞	山谷詞	淮海詞	小山詞	東堂詞	放翁詞	稼軒詞	片玉詞	梅溪詞	白石詞	石林詞	酒邊詞	溪堂詞	樵隱詞	竹山詞	書舟詞	坦菴詞	惜香樂府	西樵語業	竹屋癡語	夢窗稿	近體樂府	竹齋詩餘	金谷遺音	散花菴詞	和清真詞	後村別調	蘆川詞	于湖詞	洛水詞	歸愚詞	龍洲詞	初寮詞	龍川詞	姑溪詞	友古詞		
卷	卷	卷	卷	卷	卷	卷	卷	卷	四卷	二卷	卷	卷	卷	卷	卷	卷	卷	卷	卷	卷	卷	卷	四卷	補遺一卷	卷	卷	卷	卷	卷	卷	卷	卷	卷	卷	卷	卷	卷	卷	卷	卷
晏殊	歐陽脩	柳永	蘇軾	黃庭堅	秦觀	晏幾道	毛滂	陸游	辛棄疾	周邦彥	史達祖	姜夔	葉夢得	向子諲	謝逸	毛開	蔣捷	程垓	趙師俠	趙長	楊炎	高觀國	吳文英	周必大	黃機	石孝友	黃昇	方千里	劉克莊	張元幹	張孝祥	程秘	葛立方	劉過	王安中	陳亮	李之儀	蔡伸		

宋名家詞總目

石屏詞	海野詞	逃禪詞	空同詞	介菴詞	平齋詞	文溪詞	丹陽詞	嬾窩詞	克齋詞	芸窗詞	竹坡詞	聖求詞	壽域詞	審齋詞	東浦詞	知稼翁詞	無住詞	後山詞	蒲江詞	琴趣外篇	洪堂詞
卷	卷	卷	卷	卷	卷	卷	卷	卷	卷	卷	二卷	卷	卷	卷	卷	一卷	卷	卷	卷	六卷	卷
戴復古	曾觀	楊无咎	洪瑱	趙彥端	洪咨夔	李公昂	葛勝仲	侯寘	沈端節	張炎	周紫芝	呂渭	杜安世	王千秋	韓玉	黃公度	陳與義	陳師道	盧祖皋	盧炳	

珠玉詞

目錄

點絳脣	一調	浣溪沙	十二調
清商怨	一調	菩薩蠻	四調
訴衷情	七調	採桑子	七調
酒泉子	二調	望仙門	三調
謁金門	一調	清平樂	五調
更漏子	四調	相思兒令	二調
喜遷鶯	五調	撼庭秋	一調
胡搗練	一調	秋蕊香	二調
滴瀝金	一調	燕歸梁	二調
望漢月	一調	少年遊	四調
雨中花	一調	迎春樂	一調
紅窗聽	二調	睿恩新	二調
玉樓春	十調	鳳御杯	三調
踏莎行	五調	臨江仙	一調
蝶戀花	七調	玉堂春	三調
漁家傲	十三調	破陣子	四調
瑞鷓鴣	二調	婦人嬌	三調
連理枝	二調	長生樂	二調
山亭柳	一調	拂霓裳	三調

珠玉詞目錄

珠玉詞

宋晏殊

點絳脣

露下風高井梧宮簾生秋意畫堂筵啓一曲呈珠燦
天外行雲欲去凝香袂爐煙起斷腸聲裏釵盡雙
蛾翠

浣溪沙 書趙十三闕政青杏園林黃酒香是永叔作今刪去

闌苑瑤臺風露秋聲響凝思悵曉寒欲歸臨別強遲留
月好漫成孤枕夢酒闌空得兩眉愁此時情緒
悔風流

又
三月和風滿上林牡丹妖豔直千金留人天氣又春陰
爲我轉回紅臉面向誰分付紫臺心有情須殢
酒杯深

又向誤入南唐二主詞
一曲新詞酒一杯去年天氣舊亭臺夕陽西下幾時
迴無可奈何花落去似曾相識燕歸來小園香徑
獨徘徊

又
紅蓼花香夾岸稠綠波春水向東流小船輕舫好追遊
漁父酒醒重撥棹驚禽飛去卻回頭一杯銷盡
兩眉愁

又
淡淡梳妝薄薄衣天仙模樣好容儀舊歡前事入雙
眉閒役夢魂孤燭暗恨無消息畫簾垂且留雙淚
說相思

又
小閣重簾有燕過晚花紅片落庭莎曲闌干影入涼
波一霎好風生翠幕幾回疎雨滴圓荷酒醒人散
得愁多

又
宿酒纔醒厭厭玉卮水沈香冷懶熏衣早梅先綻日邊
枝寒雲寂寂初散後春風悠颺欲來時小屏閒放
畫簾垂

又
綠葉紅花媚曉煙黃蜂金蕊欲披蓮水風深處懶回
船可惜異香珠箔外不辭清唱玉尊前使星歸觀
九重天

湖上西風急暮煙夜來清露溼紅蓮少留歸騎促歌
筵爲別莫辭金盞酒入朝須近玉爐煙不知重會
是何年

又
楊柳陰中駐彩旌菱荷香裏勸金觥小詞流入管絃
聲只有醉吟寬別恨不須朝暮促歸程雨條煙葉
繫人情

又
一向年光有限身等閒離別易銷魂酒筵歌席莫辭
頻滿目山河空念遠落花風雨更傷春不如憐取
眼前人

又
玉腕冰寒滴露華粉融香雪透輕紗晚來妝面勝荷
花
清商怨 向誤入歌集按時話或問元獻公雁過
日西斜

南雲云云確是公作今增入
關河愁思望處滿漸素秋向晚雁過南雲行人回淚
眼雙鸞金闕悔展夜又永枕孤人遠夢未成歸梅
花聞塞管

又
芳蓮九蕊開新艷輕紅淡白勻雙臉一朵近華堂事
人宮樣妝著時對美酒共祝千年壽銷得曲中詩
世間無此花

又
秋花最是黃葵好天然嫩態迎秋早染得道家衣淡
妝梳洗時曉來清露滴一一金杯側插向綠雲叢
便隨王母仙

又
人人盡道黃葵淡儂家解說黃葵豈可喜萬般宜不
勞朱粉施摘取承金盞勸我千長算華作女真冠
試伊嬌面看

又
高梧葉下秋光晚珍叢化出黃金盞還似去年時
等閒三兩枝人情須耐久花面長依舊莫學蜜蜂兒
等閒悠颺飛

訴衷情 書趙八首政海棠珠綴一重重是于卿
作今刪
青梅黃酒闌時新天氣欲殘春東城南陌花下逢著
意中人回繡袂展香茵斂情親此時拚作千尺
游

絲惹住朝雲。

又

東風楊柳欲青青。煙淡雨初晴。惱他香閣濃睡，撩亂有啼鶯。眉葉細，舞腰輕。宿妝成。一春芳意，三月和風，牽繫人情。

又

芙蓉金菊鬪馨香。天氣欲重陽。遠村秋色，如畫紅樹，閒疎黃。流水淡碧，天長路茫。茫憑高目斷，鴻雁來時，無限思量。

又

數枝金菊對芙蓉。搖落意重重。不知多少，幽怨和露，泣西風。人散後，月明中。夜寒濃。謝娘愁臥，潘令閒眠，心事無窮。

又

露蓮雙臉遠山眉。偏與淡妝宜。小庭簾幕春晚，閒共柳絲垂。人別後，月圓時。信遲遲。心心念念，說盡無憑，只是相思。

又

秋風吹綻北池蓮。曙雲樓閣鮮。畫堂今日嘉會，齊拜玉爐煙。斟美酒，祝芳筵。奉觥船。宜春耐夏，多福莊嚴，富貴長年。

又

世間榮貴月中人。嘉慶在今辰。蘭堂簾幕高捲，清唱遏行云。持玉盞，斂紅巾。祝千春。榴花壽酒，金鴨爐香，歲歲長新。

又

春風不負東君信。偏折羣芳。燕子雙雙，依舊舊泥入杏梁。須知一盞花前酒，占得韶光。莫話匆忙，夢裏浮生足斷腸。

又

紅英一樹春來早。獨占芳時。我有心期，把酒攀條惜綠枝。無端一夜狂風雨，暗落繁枝。蝶怨鶯驚，悲滿眼春愁說向誰。

又

陽和二月芳菲遍。暖景溶溶。蝶蜂遊蜂，深入千花粉牕中。何人解繫天邊日，占取春風。免使繁紅，一片西飛一片東。

又

櫻桃謝了梨花發。紅白相催。燕子歸來，幾處風簾繡戶開。人生樂事知多少，且酌金杯。管咽絃哀，慢引

蕭娘舞袖迴。

又

古羅衣上金針樣。繡出芳妍。玉砌朱闌，紫豔紅英，照日鮮。佳人畫閣新妝了，對立叢邊。試摘嬌嬋，媚貼向眉心學翠鈿。

又

時光只解催人老。不信多情。長恨離亭，滴淚春衫酒易醒。梧桐昨夜西風急，淡月朦朧。好夢頻驚，何處高樓雁一聲。

又

林間滴瀝雙雙燕。寄與相思。朱槿開時，尚有山榴一兩枝。荷花欲綻金蓮子，半落紅衣。晚雨微微，待得空梁宿燕歸。

又

三月殘風開卻好。花無限。了當年。最下落紛紛。最愁人。長安多少利名身。若有一杯香桂酒，莫辭花下醉芳茵。且留春。

又

春色初來偏被紅。芳千萬。樹流鶯粉蝶，亂翻香枝。勤君莫惜，錦金衣。把酒看花須強飲。明朝後日，斷難披惜芳時。

又

紫微枝上露華濃。起秋風。管絃聲細，出簾櫳。象筵中。仙酒斟雲液。仙歌轉繞梁。此時佳會慶相逢。慶相逢。

又

玉壺清漏起微涼。好秋光。金杯重疊，滿瓊漿。會仙鄉。新曲調絲管。新聲更賦霓裳。博山爐暖，泛濃香。濃香。

又

玉池波暖碧如羅。露華濃。新清歌一曲，翠眉嬌舞華茵滿。酌蘭英，酒須知。歡壽千春。太平無事，荷君恩。荷君恩。

又

秋露墜，滴盡楚蘭紅。淚往事，舊歡何限。意思量。如夢寐。人貌老，前歲風月。宛然無異。座有嘉賓，尊有桂枝。辭終夕醉。

又

春花秋草只是催。人老想。把千山眉黛，掃未抵別愁多少。勸君綠酒金杯，莫嫌絲管聲能。兔走烏飛，不

又

又

又

又

更

又

又

又

三才

又

1

喜遷鶯

又

又

又

又

撼庭秋

胡搗練

秋蕊香

又

滴滴金

三、

里音塵便疎隔合有人相憶

燕歸梁

雙燕歸飛繞畫堂似留戀虹梁清風明月好時光更何況綺筵張雲彩待女頻傾壽酒加意勸笙簧人人心在玉爐香慶佳會祝延長

又

金鴨香爐起瑞煙呈妙舞開筵陽春一曲動朱絃斟美酒泛觥船中秋五日風清露爽猶是早涼天蟠桃花發一千年祝長壽比神仙

望漢月

千鐘萬條堪結占斷好風良月謝娘春晚先多愁更撩亂絮如雪短亭相送處長憶得醉中攀折年年歲歲好時節怎奈有人離別

少年遊

重陽過後西風漸緊庭樹葉紛紛朱闌向曉芙蓉妖豔特地闌芳新霜前月下斜紅淡蕊明媚欲回春莫將瓊尊等閒分留贈意中人

又

霜華滿樹蘭凋蕙慘秋豔入芙蓉臘脂嫩臉金黃輕蕊猶自怨西風前歡往事當歌對酒無限到心中更憑朱檻憶芳容腸斷一枝紅

又

芙蓉花發去年枝雙燕欲歸飛蘭堂風輕金爐香暖新曲動簾帷家人拜上千春壽深意滿瓊卮綠鬢朱顏道家裝束長似少年時

又

謝家庭檻曉無塵芳晏祝良辰風流妙舞櫻桃清唱依約駐行雲榴花一盞濃香滿爲壽百千春歲歲年年共歡同樂嘉慶與時新

雨中花

翦翠妝紅欲就折得清香滿袖一對鴛鴦眠未足葉下長相守莫傍細條尋嫩藕怕綠刺買衣傷手可惜許月明風露好恰在人歸後

迎春樂

長安紫陌春歸早驛垂楊染芳草被啼鶯語燕催清曉正好夢頻驚覺當此際青樓臨大道幽會處兩情多少莫惜明珠百琲占取長年少

紅窗聽

淡薄梳妝輕結東天付與臉紅眉綠斷環書素傳情久許雙飛同宿一餉無端分比目誰知道風前月

底相看未足此心終擬覓鸞絃重續

又

記得香圍臨別語彼此有萬重心訴淡雲輕靄知多少隔桃源無處夢覺相思天欲曙依前是銀屏畫燭宵長歲暮此時何計託鴛鴦飛去

睿思新

芙蓉一朵霜秋色迎曉露依依先拆似佳人獨立傾城傍朱檻暗傳消息靜對西風脈脈金蕊綻粉紅如滴向蘭堂莫厭重新免清夜微寒漸逼

又

紅絲一曲傍階砌珠露下獨呈纖麗翦鉸綉碎作香英分彩線簇成嬌蕊向晚羣花新碎放朵朵似延秋意待佳人插向釵頭更裊裊低臨鳳簪

玉樓春

東風昨夜回梁苑日腳依稀添一線旋開楊柳綠蛾眉暗折海棠紅粉面無情一去雲中雁有意歸來梁上燕有情無意且休論莫向酒杯容易散

又

簾旌浪卷金泥鳳宿醉醒來長書軟海棠開後曉寒輕柳絮飛時春睡重美酒一杯誰與共往事舊歡時節動不如憐取眼前人免使勞魂兼役夢

又

燕鴻過後鶯歸去細算浮生千萬緒長於春夢幾多時散似秋雲無覓處聞琴解佩神仙侶挽斷羅衣留不住勸君莫作獨醒人爛醉花間應有數

又

池塘水綠風微暖記得玉真初見面重頭歌韻響鐸深入破舞腰紅亂旋玉鉤闌下香階畔醉後不知斜日晚當時共我賞花人點檢如今無一半

又

玉樓朱閣橫金鎖寒食清明春欲破窗間斜月兩眉愁簾外落花雙淚墮朝雲聚散真無那百歲相看能幾箇別來將爲不牽情萬轉千回思想過

又

朱簾半下香銷印二月東風催柳信琵琶旁畔且尋思鸞鵲前頭休借問鸞鵲去後生離恨紅日長時添酒困未知心在阿誰邊滿眼淚珠言不盡

又

杏梁歸燕雙回首黃蜀葵花開應候畫堂元是降生辰玉盞更斟長命酒爐中百和添香獸簾外青蛾

回舞袖此時紅粉感思人拜向月宮千歲壽

又

紫微朱槿繁開後枕簟微涼生玉漏玳筵初啓日穿簾檀板欲開香滿袖紅衫侍女頻傾酒龜鶴仙人來獻壽歡聲喜氣逐時新青費玉顏長似舊

又

春葱指甲輕攏然五彩條垂雙袖捲雪香濃透紫檀槽胡語急隨紅玉腕當頭一曲情無限入破鐙深金鳳戰百分芳酒祝長春再拜釵容擡粉面

又

紅條約束瓊肌穩拍碎香檀催急衰慵頭鳴咽水聲繁葉下聞關鶯語近笑人才子傳芳信明月清風傷別恨未知何處有知音長爲此情言不盡

又

青蘋昨夜秋風起無限個露蓮相倚獨凭朱闌愁放晴天際空目斷遙山翠彩箋長錦書細誰信道兩情難寄可惜良辰好景歡娛地只恁空憔悴

又

留花不住怨花飛向南園情緒依依可惜倒紅斜向一枝枝輕宿雨又離披凭朱檻把金卮對芳叢惆悵多時何況舊歡新寵阻心期滿眼是相思

又

柳條花艷惱青春更那堪飛綠紛紛一曲細絲清脆倚朱欄綠酒掩紅巾追往事惜芳辰暫時閒留住行雲端的自家心下眼中人到處覓尖新

又

細草愁煙幽花怯露凭闌總是銷魂處日高深院靜無人時時海燕雙飛去帶暖羅衣香殘蕙炷天長不禁迢迢路垂楊只解惹春風何曾繫得行人住

又

祖席離歌長亭別宴香塵已隔猶迴面居人四馬映林嘶行人去棹依波轉畫閣魂消高樓目斷斜陽只送平波遠無窮無盡是離愁天涯地角尋思偏

又

碧海無波瑤臺有路思量便合雙飛去當時輕別意中人山長水遠知何處綺席凝塵香闥掩霧紅牋小字憑誰附高樓目盡欲黃昏梧桐葉上蕭蕭雨

又

綠樹歸鶯離梁別燕春光一去如流電當歌對酒莫沈吟人生有限情無限弱袂繁春修蛾寫怨秦箏

寶柱頻移雁尊中綠醕意中人花朝月下長相見

又

小徑紅稀芳郊綠偏高臺樹色陰陰見春風不解禁楊花濛濛亂撲行人面翠葉藏鶯朱簾隔燕爐香靜逐遊絲轉一場愁夢酒醒時斜陽卻照深深院

臨江仙

資善堂中三十載舊人多是凋零與君相見最傷情一尊如舊聊且話平生此別要知須強飲雪殘風細長亭待君歸觀九重城帝宸思舊朝夕奉皇明

蝶戀花

梨葉嫩紅輝觀歌是永叔作今刪去又未二首向另刻歸路枝枝是一調今併入仍七首

又

一霎秋風驚畫扇豔粉嬌紅尚折荷花餅露垂蟲響偏珠簾不下留歸燕掃掠亭臺開小院四坐清歡莫放金杯淺龜鶴命長松壽遠陽春一曲情千萬

又

紫菊初生朱槿墜月好風清漸有中秋意更漏乍長天似水銀屏展盡遙山翠繡幕卷波香引鴉急驚繁絃共愛人間瑞滿酌玉杯榮舞袂南春祝壽千千歲

又一刻六一詞一刻東坡詞

簾幕風輕雙語燕午醉醒來柳絮飛撩亂心事一春猶未見餘花落盡青苔院百尺朱樓閒倚偏薄雨濃雲抵死遮人面消息未知歸早晚斜陽只送平波遠

又

六曲闌干侵碧樹楊柳風輕展盡黃金鎖羅把鈿箏移玉柱穿簾海燕雙飛去滿眼游絲兼落絮紅杏開時一霎清明雨濃睡覺來鶯亂語驚殘好夢無尋處

又上二首或刻六一詞

南雁依稀迴側陣雪霽牆陰偏覺蘭芽嫩中夜夢餘消酒困爐香卷殘燈生暈急景流年都一瞬往事前歡未免難方寸臘後花期知漸近寒梅已作東風信

又向另刻歸路枝

檻菊愁煙蘭泣露羅幕輕寒燕子雙飛去明月不諳離恨苦斜光到曉穿朱戶昨夜西風凋碧樹獨上高樓望盡天涯路欲寄彩箋尺素山長水闊知何

處

又

紫府羣仙名籍祕，五色班龍暫降人。閒媚海棠變桑田，都不記蟠桃一熟三千歲。露滴彩旌雲繞袂，誰信壺中別有笙歌地。門外落花隨水逝，相看莫惜尊前醉。

玉堂春

帝城春暖，御柳暗遮空苑。海燕雙雙拂曉簾，攏女伴相攜共繞林間路。折得櫻桃插髻紅，昨夜臨明微雨。新英偏舊叢，寶馬香車，欲傍西池看顰處。楊花滿袖風。

又

後園春早，殘雪尚濛煙草。數樹寒梅欲綻香，英小，妹無端折盡釵頭朵。滿把金尊細細傾，憶得往年同伴沈吟無限情。慙亂東風，莫便吹零落，惜取芳菲眼，下明。

又

斗城池館二月風，和煙暖繡戶珠簾。日影初長，玉轡金鞍繞繞沙隄路。幾處行人映綠楊，小檻朱闌回倚。千花濃露香脆管，清絃欲奏新翻曲。依約林間坐夕陽。

漁家傲

舊刻十四首，改粉筆丹青，描未得，是六

畫鼓聲中昏又曉，時光只解催人老。求得淺歡風日好，齊唱調神仙一曲。漁家傲，綠水悠悠天杳杳。浮生豈得長年少，莫惜醉來開口笑。須信道人間萬事何時了。

又

荷葉荷花相間闌，紅驕綠掩新妝就。昨日小池疎雨後，鋪錦繡。行人過去頻回首。倚偏朱闌凝望久，鴛鴦浴處波文皺。誰喚喚謝娘，斟美酒。繁華舞袖當筵勸，我千長壽。

又

荷葉初開猶半卷，荷花欲折頻微綻。此葉此花真可羨，秋水畔。青涼綠映紅妝面。美酒一杯留客宴，拈花摘葉情無限。爭奈世人多聚散，頻祝願。如花似葉長相見。

又

楊柳風前香百步，盤心碎點真珠露。疑是水仙開洞府，妝景趣。紅幢綠蓋朝天路。小鴨飛來稠闊處，二

三兩兩能言語，散短亭人欲去，留不住。黃昏更下蕭蕭雨。

又

葉下鳩鷯眠未穩，風翻露殿香成陣。仙女出遊知遠近，羞借問。鏡將綠扇遮紅粉。一樹蕊黃露雨潤，天人乞與金英燭。試折亂條醒酒困，應有恨。芳心易盡情無盡。

又

暈畫溪邊停彩舫，仙娥繡被呈新樣。颯颯風聲來一舸，愁四望。殘紅片片隨波浪。瓊臉麗人青步障，風牽一袖低相向。應有錦綉閒倚傍，秋水上一時時綠柄輕搖颺。

又

宿蕊園攢金粉闌，青房暗結蜂兒小。釵面似啼還似笑，天與貌。人間不是鉛華少。葉裏香清無限好，風頭日脚乾催老。待得玉京仙子到，剛向道。紅顏只合長年少。

又

臉傅朝霞衣翦翠，重重占斷秋江水。一曲採蓮風細細，人未醉。驚鷺不合驚飛起。欲摘嫩條嫌綠刺，閒敲畫扇偷金蕊。半夜月明珠露墜，多少意。紅腰點點相思淚。

又

越女採蓮江北岸，輕桹短棹隨風便。人貌與花相鬪鬪，流水慢。慢時時照影看妝面。蓮葉層層張綠繖，蓮房箇箇垂金盞。一把藕絲牽不斷，紅日晚回頭欲去心撩亂。

又

粉面啼紅腰束素，當年拾翠曾相過。密意深情誰與訴，空怨慕。西池夜夜風兼露。池上夕陽籠碧樹，池中短棹驚微雨。水泛落英何處去，人不悟。東流到了無停住。

又

幽鷺慢來窺品格，雙魚豈解傳消息。綠柄嫩香頻採摘，心似織。條條不斷誰牽役。粉淚暗和清露滴，羅衣染就秋江色。對面不言情脈脈，煙水隔。無人說似長相憶。

又

楚國細腰元自瘦，文君膩臉誰描就。日夜鼓聲催箭漏，昏復畫。紅顏豈得長依舊。醉折嫩房和蕊嗅，天

絲不斷清香透卻傍小閣凝望久風滿袖西池月上人歸後

又

嫩綠堪裁紅欲綻蜻蜒點水魚遊畔一霎雨聲香四散風颭亂高低掩映千千萬總是凋零終有恨能無眼下生留戀何似折來妝粉面勤看歡勝如落盡秋江岸

破陣子

海上蟠桃易熟人間好月長圓惟有筆釵分鈿侶離別常多會面難此情須問天蠟燭到明垂淚熏爐盡日生煙一點淒涼愁絕意漫道秦箏有剩絃何曾為細傳

又

燕子欲歸時節高樓昨夜西風求得人間成小會試把金尊傍菊叢歌長粉面紅斜日更穿簾幕微涼漸入梧桐多少襟懷言不盡寫向蠻牋曲調中此情千萬重

又

憶得去年今日黃花已滿東籬曾與玉人臨小檻共折香英泛酒卮長條插鬢垂人貌不應還換珍叢又親芳菲重把一尊尋舊徑所惜光陰去似飛風飄露冷時

又

湖上西風斜日荷花落盡紅英金菊滿叢珠顆細海燕辭巢翅羽輕年年歲歲情美酒一杯新熟高歌數闋堪聽不向尊前同一醉可奈光陰似水聲迢迢去未停

瑞鶴端詠紅梅

越娥紅淚泣朝雲越梅從此學妖嬈臘月初頭庚嶺繁開後特染妍華贈世人前溪昨夜夜深雪朱顏不掩天真何時驛使西歸寄與相思客一枝新報道江南別樣春

又

江南殘臘欲歸時有梅紅亞雪中枝一夜前村間破瑤英折端的千花冷未知丹青改樣勻朱粉雕梁欲畫猶疑何妨與向冬深密種素人路來仙溪不待天桃客自迷

嘲人嬌

二月春風正是楊花滿路那堪更別離情緒羅巾掩淚任粉痕露汗爭奈向千留萬留不住玉酒頻傾

宿眉愁聚空腸斷寶箏絃柱人間後會又不知何處魂夢裏也須時時飛去

又

玉樹微涼漸覺銀河影轉林葉靜疎紅欲偏朱簾細雨尚遲留歸燕嘉慶日多少世人良願楚竹驚鸞秦箏起雁繁舞袖急翻羅薦雲迴一曲更輕攬檀板香柱遠同祝壽期無限

又

一葉秋高向夕紅蘭露墜風月好乍涼天氣長生此日見人中喜瑞雲壽酒重唱妙聲珠綴鳳笙移宮鈿衫迴秋簾影動蘭香細南真寶錄賜玉京千歲良會永其惜流霞同醉

連理枝

玉宇秋風至簾幕生涼氣朱槿猶開紅蓮尚拆芙蓉含蕊送舊葉歸燕拂高簾見梧桐葉墜嘉宴凌晨啓金鴨飄香細鳳竹驚絲清歌妙舞畫呈游藝願百千遐壽比神仙有年年歲歲

又

綠樹驚聲老金井生秋早不寒不暖裁衣按曲天時正好舞蘭堂逢著壽筵開見爐香縹緲組繡呈纖巧歌舞誇妍妙玉酒頻傾朱絃翠管移宮易調獻金杯重疊祝長生永道遙奉壽

長生樂

玉露金風月正圓臺榭早涼天畫堂嘉會組繡列芳筵洞府星辰龜鶴來添福壽歡聲喜色同入金爐泛濃煙清歌妙舞急管繁絃榴花滿酌航船人盡祝富貴又長年莫教紅日西晚留著醉神仙

又

閨苑神仙平地見碧海架蓬瀛洞門相向倚金鋪微明處處天花掠亂飄散歌聲裝真筵壽賜與流霞滿瑤觥紅鸞翠節紫鳳銀笙玉女雙來近彩雲隨步朝夕拜三清為傳王母金錄祝千歲長生

山亭柳贈歌者

家住西秦賭博藝隨身花柳上關尖新偶學念奴聲調有時高遏行云蜀錦纏頭無數不負辛勤數年來往咸京道殘杯冷炙漫消魂衰陽事訖何人若有知音見採不辭偏唱陽春一曲當筵落淚重掩羅巾拂霓裳

慶生辰慶生辰是百千春開雅宴畫堂高會有諸親鈿函封大國玉色受絲綸感皇恩望九重天上拜亮

雲。今朝祝壽祝壽數比松椿斟美酒至心如對月中人一聲檀板動一炷蕙香焚壽仙真願年年今日喜長新

又

喜秋成見千門萬戶樂昇平金風細玉池波浪穀文生宿露霑羅幕微涼入畫屏張綺宴傍熏爐薰炷和新聲神仙雅會會此日象蓬瀛管絃清旋翻紅袖學飛瓊光陰無暫住歡醉有閒情祝長星願百千爲壽獻瑤觥

又

笑秋天晚荷花綴露珠圓風日好數行新雁貼寒煙銀簫調脆管瓊柱撥清絃棹船一聲聲齊唱太平年人生百歲離別易會逢難無事日剩呼賓友啓芳筵星霜催綠鬢風露損朱顏惜清歡又何妨沈醉玉尊前

珠玉詞